

Канон Пресвятей Богородице, егда придет на кого печаль, или беда, или иное сетование [\[1\]](#)

Тропарь, глас 4-и.

**О!** Всепетая и всеславная Царице Богородице, Мати всея твари Содетеля, христианская надежда и Заступница. Печальным утешение, ненадеющимся и отчаявшимся скорое надеяние. Молим Тя: милостива буди нам грешным, не остави раб Своих, и не отрини моления недостойных. Молимтися, взирающе ко образу Твоему честному, святых и чудотворных икон Твоея, и вопиюще: с плавающими и в путь шествующими, да пребудет милость Твоя. **О!** Владычице, ризою честною защити, и во всяцех местех злых соблюди. И молися к рождынемуся из Тебе Христу Богу нашему, да спасет от грех душ наша (дважды). **Слава и ныне: той же.**

Канон, глас 4-и. Песнь 1, ирмос.

Отверзу уста моя, и наполнятся духа, и слово отрыгну Царице Матери, и явлюся светло торжествуя, и воспою радуясь, Тоя чудеса.

**Запев:** Пресвятая Госпоже Богородице, услыши молитву раб Своих, молящихся Тебе (поклон).

Пресвятая Госпоже Владычице Богородице, услыши глас моления моего, и умилосердися о мне грешном, погибающем, Пресвятая Владычице, и в печали место даруй ми радость, да радуясь воспеваю Ти, Всепетая.

**Запев.** Владычице, утиси души моея свирепства, понеже многия скорби и печали нападоша на мя, но от сих Владычице, спаси мя грешнаго, да не погибну зле окаянный.

**Слава.** Ты еси крепость моя и утверждение, от врагов защищение, и сего ради не боюсь вражия прещения. Но присно пою Тя и славлю, Всепетая.

**И ныне.** Напасти, беды и скорби многия нападоша на мя, и отяготиша мя. И от всего сердца молю Тя и вопию: избави мя зол и веселие ниспосли.

**Катавасия.** Спаси от бед рабы Своя, Богородице Дево, яко вси по Бозе к Тебе прибегаем, яко к нерушимей Стене и заступлению (поклон).

Господи, помилуй (трижды, с поклонами).

Песнь 3, ирмос.

Лук сильных изнеможе, а немощнии препоясашася силою. Сего ради возвеселися, о Господе сердце мое.

Автор: Павел  
14.11.2011 09:13

---

**Запев.** Ты еси теплая Предстательница, и твердая Заступница, избави мя Всесвятая, от нашедших мя напастей, Ты бо еси Владычице, падшим исправление.

**Запев.** Избави мя Пресвятая, от сих напастей и бед, и омрачения душевного, и уныния. И вся страсти отжени, от мене Чистая, да присно славлю Тя, Владычице.

**Слава.** К Тебе прибегаю Пресвятая, не презри моя болезни и воздыхания, но призри на мя сущаго в скорби, и сию мою печаль на радость преложи, Богоблагодатная.

**И ныне.** Видь Владычице, беду мою и скорбь, и в тех лукавый враг поглотити мя ищет, но ты Пречистая Владычице, препний то его злохитрое коварство, да избавлюся и славлю Тя, твердую Заступницу, радуясь. **Катавасия.**

**Слава, и ныне. Седален, глас 2-й.**

Моли́твеница теплая, купно и Стена необоримая, милости источник, миру прибежище, прилежно Ти вопиём: Богородице Владычице, предвари от бед избавити нас, Еди́на вскорѣ заступа́ющи.

**Песнь 4, ирмос.**

Услы́шах сла́вное смотре́ние Твое́, Христе́ Бо́же. Яко роди́ся от Де́вы, да о́т лести изба́виши вопи́ющия Ти: сла́ва си́ле Твое́й, Го́споди.

**Запев.** Ты бо еси Пречистая Богородице, надежда и утверждение мое, и лютых ми бед освобождение и в печали утешение и во уповании моем непоколебимы столпе. И в сих печалех буди ми сладкое утешение, и в бедах скорая Помощница, и в молитвах Предстательница. Ты бо Мати Божия стяжавше, от всяких бед избавляюся, и ко спасению направляюся **(дважды).**

**Слава.** Ты бо еси Пресвятая Дево, сущим в бедах приближаешься, печальным помогавши, исхитившихся исправлявши, яко Мати Зиждителя сущи.

**И ныне.** Приклонися к мольбам раба Твоего, Владычице, и не закосни мя от сих скорбей и бед, видимых и невидимых врагов от мене отжени, да не зле погибну окаянный. **Катавасия.**

**Песнь 5, ирмос.**

Нечестивии не узрят славы Твоея Христе, но мы Ты Единородне, Отчее зарение славы Божия, от ноши утренююще воспеваем Тя, Милосерде.

**Запев.** Суди супостата моего, и от напраснаго оскорбления, избави

мя осужденаго, яко Ты еси Судию праведнаго породила еси, Всенепорочная. Иже будет судити каждому по делом его. Ты бо еси в напастех и в скорбех, милостива защищавши, иже под кров Твой прибегают, прими Пречистая, и мое сие моление, от унылаго сердца моего, да не зле во отчаянии погибну **(дважды)**.

**Слава.** Милостивым си и кротким оком, Богородительнице, возри на мя недостойнаго, и милосердием Своим призри на мя. И обстояния напастей свободи, призывающия Тя на помощь, Всечистая.

**И ныне.** Первозданный Адам и Ева Тобою, Пречистая, избавльшася от слез, с ними же и аз припадающе молюся, да милостию Си отрешши болезненные слезы. И даси ми полезное утешение. **Катавасия.**

### **Песнь 6, ирмос.**

**Буря** ми многих согрешении моих потопляет, и изнемогает дух мой. Но Ты, Господи, яко Милостив сошед, возведи живот мой.

**Запев.** Внуши печальный вопль раба Твоего, требующи помощи Твоея, Богомати, Ты бо еси упование мое; но потщися печаль мою на радость преложити.

**Запев.** Избави мя Божия Мати от языка лстива; от человека неправедна изми мя без пакости: вся бо Ты можеша, яко Мати Зиждителя сущи.

**Слава.** Вем Тя Богоблагодатная, многотрудным целebницу; и аз немощныи, духом и усты зову: от напасти сея и печали свободи, и спаси мя Владычице, к Тебе прибегающа.

**И ныне.** Избави мя от пакости сея и бед, Богоневесто, Ты бо устрои Бог на спасение и заступление наше Ходатаицу, и сего ради мне, недостойному, исходатайствуй от сея печали освобождение. **Катавасия.**

### **Слава, и ныне. Кондак, глас 8-и.**

**Плотским** недугом многовидным, и душевным страстем многообразным, исцеление обрет Тобою, Преиепорочная. Печалем же разрешение, бедам и скорбем пременение, и готовое и скорое избавление. Верою несуменною, и теплым сердцем исповедаю Твоя милости, Владычице. Сынoм же человеческим многая Твоя чудеса. И молюся, кровом крилу Твоею присно соблюсти и сохранить мя всегда, да зову Ти: радуйся Невесто Невестная.

### **Икос.**

**К** Богородице любовью возопием, со умилением сердца, и со смирением духа. Тепле припадающе, и благодарственне глаголюще. Радуйся, граде Господень.

Автор: Павел  
14.11.2011 09:13

---

Ра́дуйся, скипетро Давы́дов. Ра́дуйся, полáто одушевлéнная. Ра́дуйся, рúчко Божéственныя мáнны. Ра́дуйся, Купино́ неопали́мая. Ра́дуйся, свéщнице и свещé свéту. Ра́дуйся, Госпожé Дéво, Божéственная Оди́гитрие. Ра́дуйся, горó Бóжия присéнная. Ра́дуйся, огненóсныи престóле. Ра́дуйся, лéстнице и дверь небéсная. Ра́дуйся, жéзле невлáжно прозябýи. Ра́дуйся, Ходáтаице жízни рóду человéческому. Ра́дуйся, яко спаса́еши всех от всяких бед и скорбéй. Твой бо есмь раб́и, дася́ не постыд́им.

**Прокимен, глас 4-и.**

Помяну́ имя́ Твое́, во всяком рóде и рóде.

**Стих:** Отры́гну сéрдце моé слóво блага́, глаго́лю аз дéла моя́ Царéви.

**Евангелие от Луки, зачало 4.**

Во́ дни о́ны, востáвши Мариáм, иде́ в гóрняя со тщáнием, во град ию́дов, и вни́де в дом Захáриин, и нелová Елисавет́ь. И бысть, яко услы́ша Елисавет́ь целовáние Мари́ино, възграся́ младéнец во чреве ея́. И испóлнися́ Дúха Свя́та Елисавет́ь, и возопи́ гласом вéлиим и речé: благословéнна Ты в жена́х, и благословéн Плод чрэ́ва Твоегó. И откúду мне се, да при́иде Мáти Гóспода моего́ ко мнé? Сé бо яко бысть глас целовáния Твоегó во úшию моéю, възграся́ младéнец рáдощами во чреве моéм. И блажéна Вéровавшая, яко бúдет совершéние глаго́ланным Ей́ от Господа. И речé Мариáм: Вел́ичит душá Моя́ Гóспода, и возра́довася́ дух Мой ó Бозе Спа́се Моéм. Яко призрэ́на смире́ние раб́ы Своея́, сé бо от ны́не блажáт Мя вси рóди. Яко сотвори́ Мне вел́ичие Сильныи, и свято́ имя́ Егó. Пребы́сть же Мариáм с нею́, яко три мéсяцы, и возврати́ся в дом Свой.

**Стихера, глас 6-и.**

Не оста́ви нас в человéческое предсто́яние, Пречы́стая Влады́чице, но прими́ моле́ние раб́ Свои́х, скорби́ úбо обдержáт ны, терпéти не мóжем, от бесóвскаго стреля́ния, покрóва не стяжáхом нигдéже, прибéгнути страстни́и, всегда́ побежда́еми. Утешéния не има́мы, рáзве Тебé Влады́чице мíру; упова́ние и Предста́тельница вéрным, не прéзри моле́ния нáша, но совершéна сотвори́.

**Песнь 7, ирмос.**

Спасы́и во огни́ Авраáмския Си́ дéти. И халде́ми убив, я́же без правды́ праведныя уловля́ху. Препéтыи Гóсподи Бóже отéц, благословéн еси́.

**Запев.** Ты еси́ Пречы́стая Богороди́це, Покрови́тельница моя́ и непрестáнное рáдование душ́ моея́. Но О! Влады́чице, и в нашéдших на мя сих неча́емых скорбéх утешéние. И сего́ рáди аз недостóйный раб́ Твой, всенадéжно вопию́ Ти: помилуй мя пáдшаго.

**Запев.** Ты еси́ Пречы́стая Богороди́це, Покрови́тельница моя́ и непрестáнное

радование души моея. Но О! Владычице, от нашедших на мя, одержимаго лепыми беды, и неутешимыя печали избави.

**Слава.** Исцели душевныя моя язвы, Владычице, заступи мя, раба Твоего. И избави мя от обогания сего неправеднаго, и от всякаго навета и развращения изми мя, Препоблагословенная.

**И ныне.** Сокруши советы неправедныя, иже на мя изошрены суть. Аз бо инья помощи не имам, разве Тебе Чистая, и к Тебе прибегаю: не попусти ми погибнути, яко Тебе возможна суть. **Катавасия.**

### Песнь 8, ирмос.

Радуящиеся по осуждению мучительску отроцы, яко не богом скверным послужат всем, но живому Богу; на огонь дерзнуша, от Ангела же прохлаждаеми песнь глаголаху: дела Господня Господа пойте, и превозносите Его во веки.

**Запев.** Душу мою сохрани, покровом крылу Твоею, Препоблагословенная Богородице Дево. И от различных на мя бед и скорбей избави, да не порадуется враг моей гибели, но да прославлю Тя, Матерь Божию во веки.

**Запев.** Аз удалихся помощи человеческия, искати прибегах к Тебе, Пренепорочная. Ты еси всенадежная Хранительница христианом, днесь к покрову Твоему притекох, принуждением беды сея. Но Ты матерне помилуй мя, да славлю Тя во веки.

**Слава.** Ты еси Пречистая, просвещение мое, и избавление, Ты бо еси поборница моя всерадостна. Ты еси надежда, и нерушимая стена, слава и хвала моя, Пренепорочная Дево. Тебе усердно поклоняюся (**поклон**), и вопию: спаси мя отчаяннаго, да прославлю Тя во веки.

**И ныне.** На Тя надежду спасения моего возложих, неискусобрачная Богомати, и на помощь призываю Тя: спаси мя от печали сея и напасти. И разреши пленницы зол моих, и всех скорбей моих избави мя, да славлю Тя во веки. **Катавасия.**

### Песнь 9, ирмос.

Сотвори державу мышцею Своею, низложи бо сильныя со престол, и вознеси смиренныя Бог израилев; в них же посети нас, Восток свыше, и направил ны есть на путь мирен.

**Запев (поклон).** Исше бо яко скудель от печали крепость моя, и ко аду приближихся, от язв душепагубных зол. Предвари Мати Божию, заступлением Своим.

**Исхити** мя, от обдержажщих мя скорбей, рукою милостивою, да прославлю Тя,

Чистая присно Дево.

**Запев.** Сети лукавых и злочестивых человек сокруши, Чистая Богородительнице. Исхити мя неврежденно, Твой бо есмь раб, обрадуй мя Обрадованная, яко с Тобою Господь, и аз вопию Ти: радуйся Преблаженная, Богородице Чистая присно Дево.

**Слава.** Всенепорочная Отроковице, всех верных крепкое упование христианом. Буди и о мне неотступная молебница к Сыну Своему и Богу, в Троице славному, освобождение всея нашедшия на мя напасти, да вопию Ти: радуйся Чистая присно Дево.

**И ныне.** Ты бо еси крепость моя Пречистая, прибежище и Стена неборимая, Ты еси теплая к Богу молебница, всяких мя напастей и бед свободи, едина Благословенная. И ратующим на мя все, разжени яко прах. Да вопию Ти: радуйся Преблаженная, Богородице Чистая присно Дево. **Катавасия.**

**Задостойник:** Владычице, прими молитву раб Своих (поклон земной).

Трисвятое, и по Отче наш. **Молитва Исусова.** Тропарь: О! Всепетая и всеславная Царице Богородице. **Слава, и ныне, кондак:** Плотским недугом многовидным. Господи помилуй (40, с поклонами). **Слава, и ныне.** Честнейшую херувим. **Слава, и ныне.** Господи помилуй (дважды) Господи благослови (с поклонами).

**Отпуст.** Господи, Исусе Христе, Сыне Божии, молитв ради Пречистыя Ти Матере, и всех святых, помилуй и спаси нас, яко Благ и Человеколюбец. Аминь.

Господи, помилуй (трижды), и обычные исходные поклоны.

---

1. ↑ В некоторых рукописях этот канон имеет название: Канон Пресвятей Богородице «Утоли болезни».